

Wallensköld

I.

Ne rose ne flor de lis
ne des oisiaus li chant
ne douz mais ne avris
ne rosignous jolis
ne m'i fet si joiant
ne pensis
com haute amour seignoris,
que d'amor
viennent mi chant et mi plor
ne d'autre labour
ne sert mes cuers a nul jor.

II.

Si bonement m'a conquis
ma dame en esgardant
que, tant com soie vis,
ne serai fors qu'amis.
orir en atendant,
ce m'est vis,
me seroit honors et pris,
qu'en amour
n'a nule si haute honor
a fin ameor
com pour li sousfrir dolor.

III.

Dame d'onor et de pris,
com seroit bien seant
qu'en vostre simple vis,
de grant biauté espris,
trouvasse un douz senblant
et un ris
qui fust senblanz a merciz,
car d'amor
n'ai je riens, fors que j'aor
des dames la flor
et de biauté mireor!

- letto 225 volte

IV.
Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
Bele, quant du douz pais
CP 80209930387 P102133771002

Source URL: <https://letteraturaeuropea.let.uniroma1.it/?q=laboratorio/wallensk%C3%B6ld-46>
pri vous frans cuers gentis,
que de vous soie fis
d'un - a Deu vous conmant,
biaus amis! -
lors avrai tout a devis
bone amor.
Ne creez losengeor
ne faus tricheor,
tant en i viengne des lor.

V.
Mon seignor
de Bar, qui pris et valor
maintient chascun jor,
doigne Deus joie et honor!